

白華絳柎閣詩集

越縵堂集

會稽

李慈銘

原名模

忞伯

小字尊客

白華絳柎閣詩丙

古今體六十八首

元旦卽事效香山體

以下乙卯

春入隔年夢雞聲醒茅屋睡起日高春病後萬事足祀  
神暫衣冠頭面辭櫛沐賀客不到門嬉游恣僮僕靜看  
廚煙生東風蕩成綠豈識塵市囂此中有空谷但恐明  
朝來俗事又相逐一笑視牀頭柏葉酒初熟小飲向斜  
陽出門試游矚春帖偶分貽醉墨遍鄉曲幸作昇平人  
今年飽新穀

十二日偕子九平子夜集蓉生家復與子九夜話

一年幾高會行樂故鄉寬  
酒到春宵煖談深月色寒  
賤貧知已少烽火別家難  
相對增悲感勞勞二鳥看

上元前夜自東浦歸同子九雪甌凡公大樹港泛

月有作

春初訪客東浦鄉東浦十里吹酒香

東浦爲吾越釀酒處醉披風

帽出門去已見樹杪懸斜陽  
相評擊汰弄蘭楫野鳬迎  
導爭鳴翔大湖漾漾忽迎面  
一片月色生滄浪微雲走  
影入山際露髻環列開新妝  
漁莊百十綴瑤闕荒蘆盡  
吐晶珀光天公先日作元夜  
銀花萬樹由旬長文漪亂  
點宿鷺浴冰潭深見纖鱗藏  
田湖官瀆互一白雪中汀  
磧寒相望船頭孫楚尾周  
變惠休上人亦同杭俯身掬

水弄空碧馮夷匿笑驚清狂沆瀣飽飲欲沖舉置身忽  
在星斗旁鐵笛一聲裂空起吸取萬象歸渾茫安得諸  
君約此月夜夜此地飛千觴

游柯山七星巖贈主人沈某

靈根孕機星太末聳初萼中郎肇嘉名茲鄉滙巖壑翳  
歟五丁力保此斧斤鑿危梯拔地起絕壁及天縮積鐵  
吐奇紫元氣故不薄千鬟銜佛頭萬劍淬霜鏑豁訝怒  
虎踞睢盱奇鬼搏飛踪絕猱緣墜石瞥雕落主人東陽  
胃巖棲結構宿懸崖勒雲奔孤亭絜松卓花開仙麕馴  
潭鏗大魚鰲旦夕改佳觀林泉恣揮霍平生健腰腳濟  
勝此堪託餘情資煙霞清夢破寥廓紀詩壽琅玕匠石

不能斲

聞燕二絕

又聽呢喃到畫檐舊巢重待絮泥添主人爲爾嫌春早  
閒過花時不捲簾

天涯芳草足句留烽火閒關特地愁爲問江南經過處  
夕陽還見幾紅樓

題錢塘蔣藹卿秀才秋林著書圖

爾亦勞勞者窮年一卷書抱殘生計拙好學故人疏吳  
越誰同調文章正起予相憐共無謂身世老蟲魚  
三徑家風在秋心不可尋亂離商著述寒餓惜光陰捲  
幔碧雲合到門黃葉深茂陵長卧病留取對牀吟

快閣夕望

高閣幾登臨湖山閱世深憑闌今昔感對酒亂離心漁  
浦分殘照人家映遠林猶憐近城市未得遂幽尋

會龍橋歌

在西郭外一里虹橋之南今名會龍堰

慧日閣深撫帝坐相公館客訪奇貨兩龍浴水來夾舟  
保長驚呼貴人卧雷奔電睽導客行仙源慶牒稽圖名  
帖報新恩得龍子萬歲巷裏愁琴聲一龍飛騰上天去  
燭影赭袍扶臨御可憐折斷雙晶蓮墀下殿巖掉頭舞  
一龍朱邸開會稽投懷再見雛龍飛嗣皇慶壽攲金扇  
隆國承封曳玉衣五十年來六更畢大龍枯顙琢饕餮  
白頭青蓋牽羊行繞柱龍孫拜番佛鏤簾珠襦散不收

霽川碧血幾經秋誰知龍輶千官衛不及西谿土一坏  
當時戚里承恩澤衛王魯國同朝列不堪潛邸問虹橋  
留與桓谿誇誰楔鄆桓谿全氏理宗時建離巢楔見全謝山鮎埼亭集迎恩門外  
夕陽斜終古橋痕漾采霞漁童打槳入東浦指點荒邨  
保長家

鑑湖柳枝詞十二首

越王臺畔柳垂垂多事東風作意吹八百里湖規作鏡  
供他十萬畫蛾眉

家家門巷正啼鶯取次輕陰間嫩晴滿院楊花人不  
到秋千撩亂作去清明

三兩漁莊老樹邊漁娃補網櫪頭船板橋茅屋湖南埭

帶雨拖風更可憐

城南古迹已迢迢無復行人問舊條花落年年溪信到

水聲還恨柳名橋

郡南門有柳橋爲昔人送別地橋下通若耶溪春時常有落花流出

畫闌吹絮昔年痕夢影依稀落月昏流水三生鶯百囀

絕無人處竅消魂

虹橋西去燕斜斜玉笛聲中別恨賒禁得吳娘船泊處

爲儂簾底惜韶華

南塘卅里柳成行女伴閒來鬪鬢長日暮踏青歸去路

禿襟小袖覓毬場

學估年年事遠游蓬萊古驛管離愁斜陽過盡紅樓路

一半湘簾不上鉤



沈釀邨前柳色新  
柳花爭趁寶頭春  
紅闌橋外青旗影  
一色清陰覆酒人

湖雙邨畔綠絲絲  
正是同心綰結時  
但祝一生無別恨  
年年春社柳姑祠

偏門外十里有湖雙邨邨有柳姑祠沈約詩所謂山陰柳家女也

小樓又度十年春  
手弄柔條獨愴神  
一搭柳絲還似雪  
繡牀同倚更無人

唱罷筵前金縷詞  
纖纖誰與鬪春風  
老去無人問來聽  
烏啼落照時

寄酬樓蓮舫秀才山居見懷二首

下濕年年不濟貧  
草堂無地著閒身  
吟詩生事多供病  
量藥光陰又餞春  
山雨客商栽樹法  
溪風花趁曬絲人

故鄉佳處隨堪隱通老移家孰寫真

羨爾煙霞鎮掩關鹿門眷屬擅清閒壓槽酒熟先邀客

倚樹詩成靜對山日落漁邨看水去雨中僧寺乞花還

何當共遂棲真約青化峰頭屋數間

蓮舫居鄰青化峰爲越山之最高者

上有藥壇真舍

春日行近郊書感二絕

重門寂寂鎖春風攜手前游似夢中恰是鞦韆低處見  
鴨桃竹裏試花紅

覓徧蘅皋步屨塵青山老盡鏡中春臨池腸斷朱闌影  
不見簪花並倚人

友人陳閒谷歸自富陽聞其貧甚作詩招之

卧疾經春百不營柴扉丁倒映江城鶉鴝啼裏迎梅雨  
桑柘疏時放麥晴執爨妹兼蠶婢役應門兒識故人聲  
期君買夏無多事同訂瓜經補邵平

寄懷王孟調丁藍叔蕭山時孟調客藍叔家

今我不樂事遠游出門烽火生百憂天公愛人醉不  
朝朝散髮嬉江頭江頭估船日邪許羽檄西來更旁午  
饑寒餘事猶賦詩拔劍唏噓不堪舞坐無王郎誰得豪  
丁生好客眞吾曹驛置通賓井投轄意氣脫贈千金刀  
兩君之思日無已試問西江往來水祇因素業航閉門  
誰謂窮途絕知己山齋翦燭經年期承平如此況亂離  
吾人聚會亦細故埋頭甘受羣兒羈荷戈負耒兩難卽

此身位置竟無術，菰蒲葉長瓜苗肥。夜卧沙礮抱涼月，  
海人鱗魚玉尺鮮。楊梅入市珍珠圓，長安炎熱不進御。  
豎儒坐享徒自憐，嗚呼吾生在地猶鴻毛。行樂遑恤蒼  
生嘲，江干吳姬白如雪。相期全醉錢塘潮。

孫蓮士助教

廷璋

招同子九叔雲集小雲栖寺凡

公房同次少陵宿贊公土室第二首韵

結夏求古歡，魚鳥悅禪靜。移舟就深綠，竹寫定中影。素  
襟遂所期，杯酒淡彌永。調琴鶴馴座，浮瓜鵲窺井。生愛  
蓮社游，煙思各能秉。涉境忘險夷，盟心契孤迥。流水息  
我機，舉足見箕穎。徑曲鑪煙深，林密岫雲屏。悠然足相  
對，開幢揖諸嶺。一磬裊詩心，搖搖暮松頂。

次平子病中見懷詩韵

偃蹇生何稟饑寒道更艱故人幸無死相對一開顏身  
有老親重書猶傳世慳遲君歲酒熟疆起酌秋山

日晚登葛嶺復渡西泠橋至鳳林寺二首

破寺秋花瑪瑙泉湖光如雪塔如煙師臣蟋蟀俱零落  
留得寒山祀葛仙

小隊笙歌載酒從兩行畫舫映芙蓉鳳林寺外斜陽路  
獨向松陰聽梵鐘

九日寄雪鷗

越山雲物逼秋清細雨黃花易得晴落葉與人爭野渡  
斜陽隨雁下江城無多朋輩艱求食如此窮途未悔名

念爾閉門誰送酒登臨應解遣遙情

又用前韵寄凡公

結就蒲團世外清花間寒梵裊初晴霜痕近水秋歸樹  
山色連雲夜出城詩境含元參道氣危時習嬾借禪名  
打鐘埽地平生願合向祇林證古情

又次前韵寄東浦周氏兄弟

三間老屋水雲清對卧桑麻課雨晴浦鳥帶波衝岸樹  
漁帆如雪落江城宦途多厄聊充隱世路招尤爲嗜名  
誰信登高能作賦茱萸珍重弟兄情

重九後四日偕子九閒谷夜飲雪鷗水軒別後用

孟調江橋步月韵寄雪子

月出人影靜霜嚴候蟲嘿北戶攬浮雲寒暄倏改色時  
艱類斯聚日短夜逾惜之子舊儔侶清尊永今夕冷局  
謀古歡深談剖真識脫巾俯暗水淡如鑒予魄行嘆暮  
鳥飛一枝危難得如何學道人蓬蒿未甘寂骨肉珍一  
言衣食生百別天涯散客蹤春草不能迹我衣雅難緇  
亂緒借詩櫛宵央警櫟稠寒重薄簾納酤顏戀分袂餘  
興尙誰說歸途揖暝山鐘聲帶煙白

酬孟調用前九日詩韵

藥裹茶囊檢點清  
崧畦抱甕課新晴  
黃橙香淺初登市  
紅樹秋深漸近城  
窮享家居惟病日  
賤招人妬尙詩名  
相憐木雁同無謂  
醅酒離騷此日情

深夜讀書有作再用孟調江橋步月韻

途窮忘時艱衆喧掩孤嘿弟妹守恆饑盡作苦吟色午  
脯三句偶宵杼一燈惜匪琴永春朝止酒淡秋夕終年  
讀我書陳編若新識趣到有深悟文字特其魄忻忻遲  
夙好躊躇罄私得相視忽無言靈機對之寂輟業或暫  
時契逾執友別吾心如駿馬萬卷鏤馳迹名理牛毛繁  
不學豈能櫛取舍量厥近高下恣所納拈花待微會持  
向廣場說掩書步空庭秋月中天白

偕雪甌孟調自瓦窯邨步入昌安門出西郭門成

絕句七首

有序

乙卯冬月薄晴沍寒偕雪甌周子孟調王生自



富盛山歸抵瓦窰邨日薄西景舍舟而岸邨落  
環亘田園靜深鑪峰秦望峙其南諸葛羅山棟  
其東滌風越陌穿林渡硤水循足下煙遙目前  
返顧流連恨速其步過一茅菴有閣兩楹平檻  
俛水遂憩其上看波浪萬態弄景蕩空漁舟往  
來自如無事過則水牌見平野中文石重門垣  
陞列峙絕艸徑往視有闕題戴氏祖墓東西數  
墳略無碑碣郡中此姓未聞顯人而扁阼深嚴  
瑯鏤精絕擬于王者去里許又有高冢出于樹  
間華表石人矗立道左讀其碑則明季商冢宰  
周祚之父也舍之而東經長橋望偃山一髻孤

聳海際夕陽罩之紫翠縷縷可數晚抵昌安門  
聞天王戒珠諸寺鐘聲四起鼓山孤塔攝入暝  
烟入城至斜橋王子別去至北海橋周子別去  
遂獨出西郭門歸家次日賦詩七首以貽二君  
俾共和焉

纔過繞門山林疎邨落出雞犬各知家柴門映斜日  
羣峯盡東迤直北涵海勢天遠紅霞長偁山聳孤髻  
豐碑出道左言是天官墳石馬齧枯草松颺弄斜曛  
渡橋就西岸僧廬結人境闌檻涵水光過盡漁帆影  
五里昌安市暮烟銜古壩仰見鼓山塔斜趁天王鐘  
越女青布裳長眉遠山映石家池水深理鬢俯清鏡

鐙火動坊市出城人未歇衣上東山雲來映郭西月

冬日偕孟調雪甌登寶山謁南宋諸陵

幽蘭炬中攪殘骨告廟復仇藉人力朔軍大至黃旗降  
孤塔腥填馬牛血小朝廷事誠可憐漕臣獻議名徒然  
淘沙已徧七陵土臨安歲歲來紙錢一品重昏葬輩落  
邠有燈檠當枯骼緇髡又掘冬青根雙匣淒涼復誰託  
我今荒山弔寒霧樹角紅牆識陵路百年飲器頭顱歸  
黑炬重泉照狐兔玉魚銀雁昏復朝朱鳥苦竹魂蕭蕭  
熱淚一掬古不化西風鬼哭錢唐潮

論詩絕句四首

有序

古今詩人更僕難盡茲偶取乾隆間經儒詩四

家論之

學福清才自絕儔經生吐屬最風流何當摘句圖重繪

樊榭漁洋一例收

沈沃田

春融棲託自清和高致林泉付雅歌若語長篇颺段甚  
歸愚衣鉢累君多

王述菴

校禮堂中帶草春爭傳佳句出經神一生苦詆新安學

詩格偏應作替人

凌仲子

北江健筆有餘妍憶舊風情詎忍刪祇憺未除詹父氣

平生多事友船山

洪稚存

瀛渚冬日山行再疊孟調江橋步月韻

溪流無隱心在山不能嘿巖松有塵根經冬益炫色至

白華經卷之四  
理任取求造化非有惜役役靡世好流光誤朝夕矧托  
邱壑慕園綺舊相識置身濠梁間魚鳥繪子魄竭羨采  
樵者欲從問所得長謳入深竹白雲叩之寂隨時靜與  
會急景若爲別夕陰明荒苔上有古人迹病葉未脫樹  
疏風自來櫛誰爲萬物淒微陽已潛納藉慰平生懷頽  
暮不可說山靈毋我忘監茲一水白

元日喜晴

以下丙辰

索道人去債臺撤長鬚灑掃徹夜畢爆竹聲裏雙扉開  
先生依然敝裘出鄉間童叟何嬰嬰衣冠各具山澤儀  
婦女迎門雞犬靜陋巷到處生光輝逢人說晴喜相賀  
但願年豐甘力作

去聲

春意散滿千邨臯誰信閉門有長

餓我生不覩熙皞天百里以外多烽煙衢歌里游有今日吁嗟此亦唐虞年

送雪甌計偕入都二首

故鄉三日雪送爾萬重山官樹驅雲疾征途帶雁還奇才經戰地吾道自田間此去看持節嚴生祇閉關欣然別妻子一騎發長安豈不恤烽火其如高卧難危時輕出處行色壯饑寒我亦思投筆風塵把酒看

送陳珊士壽祺計偕入都

綠醅紅燭早梅天雪裏湖山計吏船樂府新翻溫助教井泉多唱柳屯田夢分遠水隨鷗去客避東風在雁先等是少孤君獨秀劉盧嫺誼若爲憐

送叔雲入都補官全子九孟調作

春風初暄野梅坼一騎城東催北發力貧著書不千秋  
幽螯乘時動鱗甲天門雪大滹沱冰江淮充斥獷鹵營  
戢影田廬亦何物掉頭烽火資遐征質裘賣琴事鞭笞  
致君堯舜自有術肯將高卧忘馳驅誰信間關覓衣食  
有弟奉母兒讀書有妻甘貧能養姑家庭卻顧百無拂  
勗哉才力應時須故人尊酒壯行色如此江山作離別  
天涯百感生風塵儒冠十年媿刀筆慈也卧病荒江邊  
養親求祿悲無緣一飽盛矜豎儒福跬步輒受天公攀  
國門上書四遭擯捧檄小喜亦吾靳願君勉副東山懷  
猿鶴年年報花信

送孟調赴大梁依其從叔吉雲都憲

昔年君作姚江游，往還欲置傳詩郵。  
去年君作永興客，百里相望怨睽隔。  
貧來顛倒不自如，交情百諾窘一鉢。  
室無萊婦古所嘆，何況小兒知索襦。  
忍饑讀書日有得，造物忌之不容刻。  
出門乞作慈母飧，天倫可樂亦胡恤。  
君家有叔鎮大梁，戟幢一啟千羣揚。  
手持天鉞監方面，旌旗人識琅琊王。  
材官百十熱炙手，猶子艱難迫奔走。  
乾坤雖窄幕府寬，嬉笑間關覲餬口。  
北風三日春不溫，朝來驪駒歌在門。  
結束敝裘裹書策，隨身一劍能感恩。  
此去千山萬山雪，罨畫征途起行色。  
子身長，餓恣嘯歌。八口拋離奮登涉，  
江淮回首黯烽火。健兒彎弓指都墮。



嚴城列戍無人行，隻騎躍冰促飛箭。梁王臺上煙塵高，夷門信陵不可招。惟有文章轅枚馬黃河，天上爭雄豪。別君語君不能已，一水相思況千里。子桑琴絕誰復聽，吾道行藏卜於此。

爲沈寄凡題照卽送其作尉江南

爾翁江東沈麟士，窮老鈔書八千紙。

寄凡尊人霞西翁博極羣書所綜錄

遺籍

良田廣斥搜秘藏，手挈琅嬛付孫子。君也詠樓世

家學，少小受詩斲頭角。三椽老屋供枕咀，神仙無如此間樂。長貧結客日萬錢，春風秋月泛酒船。練裙高座半不識，題襟豪氣無前賢。公卿躡履下，逢掖坐。此人輕二千石，賭袍笑被輒驚衆。更出餘技事雕刻，君善篆刻中原圖。

籍吹煙颺勒焚巢燬誰能逃幸君手掌五雲笈屠門大  
嚼供羣饗鄙人傭書柳生肘欲窺插架乏鴟酒鄴侯家  
法持贈君扁室勿借良可醜雖然牙籤玉軸三萬奇四  
壁如洗良坐斯棄觚自可致卿相百城南面徒爾爲黃  
顰縛袴夜起舞短劍從軍挽尺組摩崖紀功會有待奚  
止歌詩壓鐃鼓江南煙水多野鷗菰米五斗秋深收詩  
人簿尉例唐代槁馘抱經何所投

題寄凡論印圖

墳典滅秦火六書散颺煙幽森沮頽心百一搜遺編蝌  
斗亦云醜能奪蛇螭妍遷流及印史繆篆留雕鏤絕學  
誰復矜所藉翫好傳吁嗟雕蟲技乃操復古權沈侯喜

籀法冥心游象先，運刀縱所至精氣忽四穿。鋒痕不受  
泐，往往蛟龍纏兒曹。莫輕弄鬼泣在汝前，斯冰去已久  
君名遂千年。

結語用劉夢得  
陽冰篆贊語意

### 雨夜懷凡公客芝邨得雨字同蓮士

嶼花破暝煙，庭草歇春雨。晚風忽窺簾，疏燈淡人語。屐  
聲遲所期，犬吠出平楚。共念邨居客，咫尺託遙緒。鶴歸  
掩松扉，春深結禪侶。

孟調將游汴州索題西鳧山居圖余未及應別後

### 追寄此詩

稱詩固夙好，山水乃其天。有得卽吾廬，誰云買無錢。翳  
余寡俗尚，結念黃綺年。託生富巖壑，奢願荷天全。曠嗜

得同好仙裔溯輞川西鳧本靈宅窈窕含眾妍松高白  
雲潔楓落丹霞鮮溪花冷逾秀谷鳥幽自憐荷衣亦云  
好黃塵何由緣嗟子走覓食穿壘行滕纏故山非不深  
誰能餐雲煙白石詎可煮徒作牛羊眠我行拾橡栗誅  
茅營一椽倦游終有期願君券斯篇

初夏月夜閒行成詠

屏山迤邐暮雲生豔月幽廊獨自行香近花深人語寂  
樓頭依約墮釵聲

夏日至邨後官瀆水口菴閣上小憩

檻外荷花水接天閒來僧閣枕書眠茶香睡足鉤簾起  
藤榻槐陰聽晚蟬

甲金陵向帥二首

東南一旦陸長城，笳吹秋風慘列營。  
來整早爲羣盜伏，馬援老冀大功成。  
賊衝轉徙三年壘，帳下凋零百戰兵。  
遺恨代陂垂外日，江流不盡淚縱橫。  
時鍾山大營新潰，被詔革職。

分築長圍逼上游，可憐力竭困壺頭。  
汾陽將數渾瑊舊，向帥爲楊忠武公親將。  
涼國功期李祐收，今提督張國樑本信史降，將軍得其外力。

尙懸褒貶律，危置重累。  
廟堂憂旌旗變色，頻翹望終侍。  
君王簡壯猷。

暮秋訪凡公小雲棲題其房壁

鑪煙茶火一房青，雲散齋鐘夕梵停。  
黃葉滿林簾拂地，亂山堆裏聽翻經。

仲冬旣望奉太夫人至湖塘三家邨卜居王氏宅

歸途寫懷

冬暄戒蘭楫霜鏡開晴湖承顏北堂暇言卜湖邊廬十  
里東山翠邨煙相卷舒紅樹列層岸斜陽不能疎厥水  
稱善釀有田皆上腴沙草綠無稅終年長鷗鳬循陔粲  
可指菰畦兼芋區時還挈童冠苔磯分讀書

越縵堂集

會稽

李慈銘

原名模

忘伯

小字尊客

白華絳柑閣詩丁

古今體八十五首

哭叔弟楸

以下丁巳

亂世饑寒強自寬，無多骨肉勸加餐。  
五年差長憐勤學，一事無成竟蓋棺。  
積善兒孫摧折早，就衰門戶保持難。  
傷心剩有孤雛在，盈尺麻衣忍淚看。

阿母辛勤爲汝婚，攜持病婦望生孫。  
共欣寶誌初摩頂，誰料巫陽已在門。  
冷雨五更聞哺乳，春暉廿載竟孤恩。  
敝衣書卷封塵篋，處處空房涕淚痕。

晚步門外風浪浩然，臨流獨立頗有江湖之思成。



五言一章

長風吹獨立蒼莽墮邊愁山壓孤邨暝城掀濁浪秋奇  
貧逢患難多病誤恩讐滿日關河思平分浩蕩鷗

春日溯何山至侯山尋小隱園遺趾經明相國錢  
文貞公先塋訪讀書處不得五首

初晴理短檝因風溯前湖出郭未十里插鏡青珊瑚漁  
樸不知處烟渚分鷗鳬何山一螺起萬綠相喁于危橋  
扼其戶故令巖壑紆

訪勝得侯山境寂意亦止舍舟就林扃周帀抱崖浹石  
瘦篠露骨屐輒羅齧趾貞侯去不返高樓竟長已年年  
生古蕪春風識幽址



名園記小隱緣磴窮幽尋斷礎生土花千載斜陽深蒼  
茫現碑字苔氣常沉沉暗水漑平楚低霞結巖陰履地  
緬曩構竟欲私山林

陟岡頰鏡水圓抱千芙蕖立水兀青髻四面長眉舒塔  
影浮遠郭林烟畫寒墟村墅亦云好到處宜春蔬夕陽  
散茆屋湖光與之疎

山下多墓田晚風驅犂牛相國昔表阡蒿廬隱松楸兒  
孫不能耕尺地空貽謀生男作賢輔零落無山邱遙問  
讀書處春煙鳴沙鷗

夜泊官瀆諸水邨至東浦得兩絕

村舍連魚漚兒童鬧葦叢飯餘明月上笑語水聲中

白雲系水隱言一  
夜市趨東浦紅燈酒戶新隔村聞犬吠知有醉歸人  
早至平水谿口登岸意行三四里至顯聖寺不入  
清夢忽然碎溪喧滿孤枕推篷綠打頭亂墮松竹影及  
茲朝氣爽行渡石橋近濕霧吹濛濛山意猶未醒細路  
春泥明密箐曙烟隱鶯啼茅屋幽犢卧露花冷綠鐘時  
見僧到寺一水靜

山行口占所見

屏山溼翠冒烟開曲曲溪流漲玉醅夾岸板橋新綠底  
竹簾分載落花來

偕孫子九遊化山傳燈寺

二百年來選佛場唄音猶自祝 章皇松迎峯勢排空

待雲逐鐘聲過嶺忙 盛世道林容講席名山立契有  
經房迎師訪道新朝事閒聽闍黎話夕陽寺本古平陽  
觀順治中爲  
宏覺國師  
敕建者

傳燈寺觀

章皇御繪宏覺禪師像敬賦

開國當年氣象新補天筆落自通神鳩摩合爲 眞王  
出俯視淩烟閣上人

傍晚自傳燈寺步至恣公塔

僧廊起暮鐘出門聲自遠十里極清聽松梵不相亂山  
翠隨處深夕陽忽中斷叶濟勝契夙懷散步足遐眷巖  
花無近香溪流學幽讚目窮途轉紆意得境忽變所歷  
無峻徑回視俯層殿樹杪平欲攀紅露寺脊半前指恣

公塔隱約暮雲見

偕千九宿忝公房

露下竹房閉龕燈古佛同怪鷗寒警月驚風夜緣松境  
寂觀心妙山深恃歲豐逃禪初願在不復歎途窮

化山大溪中有巨石孤立奇古可喜傳是葛仙翁

釣石

羣山走連銜回顧落其距中流愕然立盤鬱有餘怒奇  
峰不到地成此一卷古孤根自倒植卓犖詎堪侮度廣  
僅越晦轉變出百阻偃木緣磴生僵石突相拒虬藤下  
飲水瘦趾忽前俯布置非可名疣贅不能斧何年蹲葛  
仙投竿釣煙渚靈蹤一以闕荆莽遂爲府側面勢盡削

餘力猶可拄蒼骨凌絕淵紫鐵抉危土誰歟握神搆欲  
遣百夫舉漫防米顛攫竟就到公取破碎理尙全攝僕  
氣始吐煙雲生剔搜快使日日覩

雲門寺懷古

大令山亭歲月荒故應家法捨空王彩雲不作巫山雨  
猶爲郗家懺赤章

勝地無端現法華中宮傳詔布金沙義熙天子能相顧  
薦福殷勤爲后家

雪嶠禪師塔

敕建荒山雪嶠碑

九重猶恨不同時

恣公還山後章皇

賜手書并金二蘭亭一殉昭陵去筆塚無人禮永師

同子九寺門坐月

夕殿高寒地蒼然  
闕薛陰月低山更出風定夜俱沈  
樹冠鴟巢暗花栖鬼火深  
不堪蕭寂感都到此時心

春晚泛舟至湖南山看桃花風雨暮歸已紛紛見  
落紅矣悵然賦二十八字同子九素人叔雲作  
載酒尋春已覺遲  
妬花風緊不禁吹  
明朝便有天涯恨  
楊柳飀飀更泥誰

擬李昌谷美人梳頭歌同子九叔雲蓮士作

紅錦窠溫宿醒覺春泥  
綳鴛浪紋薄玉螭綵縈披髻絲  
蘭尾修修斜領角魴窗晃眼朝霞明  
絡珠帳揭春寒輕  
鳳膏香散睡靡綠挽髻玲瓏金釧聲  
了鳥翠深啟菱合

宿髻餘花置簌側犀篦綽約纖指扶低擎怯耽香氎能  
象牙梳落吐華月蕙霧縈曲雙紅酥鈿梁釵勝遞安貼  
蕉櫨星塵拂輕碧轉身背鏡照花枝可惜妝成祇自知

周叔雲季貺

星詒

兄弟各爲予畫湖塘邨居圖叔

雲弁和予甲寅夏初過湖塘詩韵題詩其上卽

次答之

論價何須十萬錢畫中花竹倍清妍籬邊禾黍通樵徑  
柳外鷗鷺過釣船遠水平鋪吟席側好山多在酒旗前  
勞君分繪東西屋自是幽居藉畫傳

叔雲詩有畫圖憑  
仗草堂傳之句

秋夜訪瀉渚山家

犢轅挂酒縱幽尋數摺疎籬轉澗陰黃葉到門聲似雨

秋山影裏一燈深

八月十八日偕羣從乘暴漲放舟至三江閘觀潮  
淋雨十日初放晴西風吹送秋榜輕吳潮八月壯可賦  
強起羸卧收遙情海塘蜿蜒白草動放眼寥廓窮秋清  
睽電先驅報潮至萬木齊亞不敢鳴潮頭未見日忽翳  
行人兩岸日盡瞪陡然一白互海立雷推欣竄鯨波轟  
奔沙倒卷海見底上有萬馬空中行駝峯玉山互摩蕩  
斷鼉呼吸雙崖撐是時秋漲正暴決三江星牖鼉梁橫  
潰流奪門各迸力其氣直欲無滄溟雲崩雪壓懸十丈  
雄呿雌應爭砢訇銀山一隊忽當道憑高鼓噪作勢迎  
前胥後種亦躑躅意外瞥覩大敵勅排空結陣故不逼



負嵎激矢矜莫撓渤澥怒吼奮相搏躍浪突與青天平  
昆陽雨注虎豹慄延津劍鬪蛟龍驚拍浮大地幹神力  
須臾內外成合并洪流逆注走不及偉哉造化誰能爭  
對此拊手呼大快奇觀至理不可名順流解纜鼓歸櫂  
頃刻卅里煙波程

九月八日積雨初晴明日將出游先占兩絕句

瓦屋泥牆水氣昏滿庭秋色護薔盆綠葵紫蓼俱長物  
猶爲黃花一出門  
莫放明朝閒裏過輕陰連日釀微和湖邊霜樹紅于酒  
孤棹斜陽醉處多

九日偕孫子九行湖上仍用前韻二首

有序

丁巳九日霜清氣晶邀子九趣常禧門經龍山  
麓地多明代故家廢園灌木結援流水繞戶崢  
泓蕭瑟魚鳥已親比出城則鏡湖遠近諸山若  
迎若避秋色萬頃聚于筵前晴烟水光相爲勞  
苦過跨湖橋紅樹淺深屢次靚赴至中堰日暮  
徘徊而歸歸用前韻寫兩絕句以紀光景并索  
子九和之

雨過秋城積靄昏林邊池館幾家存滿山寒翠竹籬靜  
流水一灣人掩門

鏡湖秋淨碧于羅樹裏漁舟不斷歌行到夕陽中堰埭  
邨莊漸少好山多

晚過城隅光相寺古西寺也

落日來西寺橋陰墮古松草長偏識徑市寂更聞鐘霸  
業餘殘霸寒城起夕春越王祠宇在香火託南宗

寺右爲越

王廟

謝墅山中書所見用前門多韻

深竹煙谿積翠昏小橋低隔便成邨何人來著書千卷  
黃葉聲中自閉門

屏山畫裏埽晴螺近展平疇十頃過量較青林紅葉地  
夕陽還占白雲多

登九里山作

千秋歌吹咽風前睥睨諸山淨遠天霜樹紅疏連嶂雨

白華經詩  
秋城綠抱一湖煙寒陰茅屋家收稻野水蘋花客倚船  
忽地登臨感興廢霸臺憑弔一蒼然

兩日後再過西寺

王許談經地鐘聲自晉時暮禽如有意芳蘚更相期松  
瀑虛寮續茶煙別院遲祇今參塵拂誰覓道林師

季冬甲子日初晴喜占一律

殘臘又開新甲子江天一掃積霾清溼陰帶雪都歸水  
寒意假雲不滿城閉戶厭聽騎月雨來年準擬一春晴  
農占冬甲子  
債臺先事排游日猶有鶯花趁太平

丁巳十二月十九日邑令葬林烈婦李氏於西郭

外官道旁紀之以詩有序

烈婦郡城貧家女早喪母字大木橋林氏爲待  
年婦其姑倡也縣吏役日獲雜其家烈婦年十  
六有色姑逼之姦不可則縱羣不逞戲辱之烈  
婦號哭欲覓死姑大怒日鞭笞之無完膚必從  
乃已烈婦終不屈乃閉之室中夜以帛縊殺之  
時咸豐二年壬子九月十九日也其父鳳祥鳴  
之官歷五載更兩令而事始得白其姑瘞死論  
其翁如律烈婦得旌于朝官爲治葬及祠  
堂建坊曰貞烈予旣爲之傳更紀以詩

城頭徹夜烏銜土玉骨千秋蛻風雨蜺旌翠葆殷墳來  
縣官鞠脰里巫舞霞川一曲霜鏡瑩蓬萊驛畔清風生

兩行綽楔珥雲立貞娥十百拈花迎

西郭官道旁節婦貞女之坊林立數

里自明迄今不絕此海內所無

姑惡不來墓旁樹石室深嚴絕狐兔祠

庶何須問柳家圖畫還應配瞿素可憐生小作冤禽山

下何從識藁砧

烈婦字而未昏越俗所謂養新婦者貧家男女幼許相配女即寄養男家至長

始擇日成禮其初無夫婦之稱也聞烈婦所字者年僅

十歲本不爲夫婦子嘗論之謂當稱烈女不當稱婦此

士大夫不學之過增識於此

歲歲李花開似雪莫教飛片入遙林

春晚日連夕飲族人新宅

以下戊午

翡翠金屏護繡檀連宵風力覺春寒攜燈小立重簾外

照見茶蘼雪滿闌

題魯蓉生竹林抱書圖二首

此亦窮途樂蕭然一卷書深林幾風雨長餓對妻孥劇

筍苔連石澆花水引渠笑他塵垢土膩恰逐人車

知爾十年久艱危亦屢更身閒能奉母頭白未成名清

節先賢宅

君居諸文懿宅

寒燈舊雨情相憐稀把臂對此話平

生

偕東陽程子實秀才近游邨中憩雍樂橋又西過

### 荷花蕩慈雲菴二首

漲光濫濫晚汀涼郭外平橋驀直長夾岸水煙蒲柳綠

魚罾影裏落斜陽

荷花蕩口數晴嵐多少人家住蕩南

邨名

一徑薔薇花似

雪茶煙隔竹見僧菴

### 寇丞

寇亟民何恃將軍盡賈胡黃頭先倡亂鐵脰尙長驅恤  
難期鄰道疎防罪始圖江東完實地管鑰孰先輸自晏中丞  
撤常山守兵賊得入浙江南大營  
所遣援師多驕蹇不可用故云

聞括州兵變創兩大帥賊已逾桃花嶺入婺州境  
凶門未鑿忽驚評坐見銀刀拔隊趨度險潛通青犢賊  
裹瘡先困黑雲都已嗟列郡無完土苦爲諸軍竭餉胥  
太息登壇公等在杞憂甯止屬鄉閭

夏初邨居二首

首夏厭暄燠斜景宜晚晴出門不求侶適野遣我情流  
水繞畦下曲折如相迎導我入邨落蒼然有餘清竹粉  
拭新籜棟雪吹香英籬下少人跡微聞縑車聲老樹卧



門口下蔭游魚行

昨得沈生書招我山中行爲言柯山間綠陰多已成所  
至忘昏曉處處幽鳥聲對書喜失笑此事殊移情忽覺  
几案旁照眼蒼翠明庭草不可櫛檐花亦剪榮日午捲  
簾坐細聽茶鐺鳴物理取所悅有得卽可名興過亦復  
忘留此蠟屐盟

寇逼

寇逼將三舍浮生奈此何所憂慈母老敢謂一身多有  
福安貧賤無才觸網羅去留都未可避世愧蹉跎

伏日聞官軍拔縉雲進取處郡浙事漸解二首

轉戰頻消息朝來竟捷音山城殤鬼瘠暑野陣雲深及

此嚴疆事猶當備歲祲可憐荒确地寇盜忍相侵

玘札皆才將功名弟勝兄叟兵經百戰都督冠諸營時提

戎周天受總戎周天培先後總統援浙諸軍天培功爲多二周蜀人也六月行間苦千家

劫裏生瀼西田尙在暫喜見承平

紀鄞縣東鄉史逆之變

大俠存名捕東鄰又震驚將成山越亂頗結島夷兵賊聞

及英夷通海寇地險憂師老民頑恃法輕虛名悲段頗何日得

功成時以觀察段某任撫勦事至則一意主撫賊恃地

險屢敗官兵近始決計進討東鄉自壬子春阻兵

九月四日沈疇乍起雜感三首

入夏叢百祟日食僅一匕縣掇盼及秋衆病庶漸理詎

云草木質零落猶未已雞肋人盡舍鬼伯顧之喜男兒  
學未成天意肯輕舛得非警玩延浮生固難恃三十不  
努力期頤亦可恥炊熟悲古人九原竟誰起

病榻蒙短衾呻吟夢中語阿母年六旬晝夜不停撫闔  
家正斷炊醫禱復百舉破窗風泠泠藥煙散青縷枯宵  
熒一燈暗蛩噉近戶輾轉神魂驚慄慄中懷苦貧賤恆  
自憐胡令造物怒豈翳違天和百罅無一補疎防貽親  
憂遑能謀仰俯交游稀過存婢僕漸肆侮人生貴自立  
好惡隨所取寶茲千金軀道在氣勿沮

今晨聞鵲噪強起臨南榮涼颼扇徐徐曉氣吹更清燁  
燁桂樹華遠對朝霞生秋色日以鮮庭卉爭敷英扶行

學散步心曠覺體輕景光亦無奇不外乃可矜造化豈  
予偏吾甯徒自撻芳華匪有惜不許貪夫營幸得今日  
閒怡茲嘉樹情

重九前一日強步登樓始作秋望次友人去年九  
日杭州寄懷詩韻示諸弟及戚友

蕭蕭風日一凭樓原塹蒼黃入暮愁過雁荒邨衝細雨  
戍旗孤郭映寒流中年兄弟多傷別病客光陰易感秋  
把酒不堪頻北望似聞青犢滿揚州

重九日偕孫五過芝邨周十一兄弟賦詩限九字  
韻時予與二君皆積病新起

今年蛾賊擾浙右烽煙滿郊扶母走驚魂甫定入疾疫

日日布衾卧蒙首故人遭亂今無多病鬼縱橫迭相守  
呻吟遂過秋風期紫蟹黃花坐成負一年佳賞太寥落  
造物憐才起枯朽重陽之日忽放晴人生此遇豈多有  
朝來孫五刺船至招予滿酌東浦酒周家兄弟夙好客  
花前擁書傾一斗相驚瘦質更凋喪坐使名山侶衰醜  
文章豈必毗俗知意氣肯落昔人後繞屋笑看稻大熟  
何不終身事田畝有秔可煮奉我母有秔可釀速我友  
但能溝塍逃餘生遑事飢寒恤八口願今下濶各占耕  
歲歲邨中作重九

秋末游西湖至蘇公祠入孤山經放鶴亭作

湖坳展靈祠泓崢交水木出門縱秋尋逶迤轉寒麓清

泉繞亭過白雲與爲曲慘慘荒碑陰古蘚不可讀日暮  
鵲飛風蒲爲誰綠

孟冬十日復獨游湖上晚自蘇公祠取段家橋歸

二首

山外層祠挹翠空湖樓十月正多風  
葺楊無限蕭蕭意都付秋雲晚磬中

夕陽依約段橋邊回首長隄遠似煙  
分占寒波雙塔影更無秋色著湖船

一月以來與程秀才及羣從徧飲邨店無日不醉

口號一絕句

日日腰間插手巾舊家風調酒懷新  
誰知三里紅橋市

擘脯彈箏大有人

周叔雲季貺兄弟勸予入貲爲郎漫賦長句答之  
甚事東山捉鼻忙秀才康了強登場何曾捧檄歡親舍  
便見移文出草堂鑄錯已嗤秦博士

予初以貲得太常博士

解嘲

重署漢山郎濁流何與蒼生計虛羨朱儒粟一囊

題馬令南唐書後絕句六首

禪局依然李代楊永甯宮裏淚千行獨除魏晉臣堯例  
兩字尊名定讓皇

正陽尊酒此心同官散歌姬作相公惆悵包胥成畫餅  
中原慙見李司空

金柅狗矢晒同官奉使甯辭一舛難國老青陽甘穴食

九原低首肉臺盤

太弟終全德讓名卻登高賦更多情江南家法真堪羨

慘絕中宵聽斧聲

三害居然繼孝侯凌波八字陣橫秋玉真妖夢何須懣

合把宣州配壽州

鄭瑗井觀瑣言據唐舊史辨盧絳無降宋之事足以補正馬書

海外車書上國推分明土運紹中衰石劉柴郭真何物

史筆千秋習彥威

馬氏先主書序云土運中圯諸侯跋扈基構自吳紹于唐祚書末又爲世

系譜歷載唐之自出其識出放翁之上

寄陳閒谷商邱閒谷近遭母慘卽以慰唁二首

念爾勞勞爲養親倚閭難待百年身傭書近得天涯信

淒絕靈牀薦一緡



客館添衣夜不眠  
縫痕綻處淚都穿  
要知鍼線高堂意  
莫爲奇溫竟卸綿

寒夜聽雨寄王孟調開封

寒雨瀟瀟戍標長  
遙憐王粲客他鄉  
吹臺風雪殘宵急  
一枕河聲繞大梁

冬夜讀後漢書李固杜喬傳

嚴冬夜氣肅坐讀李杜傳  
二公志違天豈計外扞難危  
言留信史寸心與不爛鬼神共迴薄  
金石立可貫中流  
懸一壺萬古竟長旦  
回復涕泗下孤憤觸羈賤悲風起  
中宵靜聽萬物戰  
吾心出光明短檠一鐙斂奇節在天  
地讀書兆憂患  
名士固不祥慘惻迫世亂殺身以成仁

卑末無自見統統更鼓終掩卷起三歎

雜詠後漢事十二絕句

友愛天家事宗枝受祜多廢儲享貴壽東海與清河  
功臣敕家法馬鄧夙稱首持謙難比宗爲育兩賢后  
鮑氏漢名臣三世拜司隸白髮鹿車人及見好孫子  
蔡倫造書紙李巡定經文咄哉兩中豎首策儒林勲  
先後河南鄭名卿出禮宗代興通德里踵拜大司農  
游平起孤學枋國志興漢滅門遺一孫卒飲涼西箭  
邠卿拜太常元節徵衛尉矯節禍百家老陪阿瞞位  
楊政劫馬武趙壹哭羊陟處士干公卿求名亦何急  
杜賈及蔡張大儒盡佳傳惜哉許涪長遺事無一見

袁氏有陰德四世得五公一旦覆卿族乃生兩梟雄  
本初既虎視公術亦獬吼土室有賢兄僵卧獲中壽  
千萬禮錢輸西園例不殊程燒識名士半價賣司徒

聞賊陷六合縣弔觀察溫公紹原

鐵鑄孤城枕賊衝

賊中有紙金陵鐵六合之謠

危疆喋血十年中一

官強項成名將百戰銜鬚作鬼雄可惜睢陽終外敵更  
無玉壁爲旌功彈丸眞作王熊塚從此江淮保障空

戊午季冬二十七日予三十初度飲戚族兄弟於

越縵堂作歌自壽

先生謫仙孫人間偶遊戲釣鼇海上忽掉頭閉門著書  
作生計卅年急景雙丸催學算學劍徒徘徊丈夫不朽

自有在坐覺萬古胸中來庚寅吾降首三日

予生三日  
爲庚寅元

旦中丁陽九戰爭急草間歌哭天所遺醉裏山河老無  
劫江淮幕府連雲開振衣欲上淩煙臺儒生報國志殺  
賊下馬露布奚須才雖然北府荀郎亦何物新野司徒  
等寂寂我躬久習鉏犂勤不解軍門事長揖四座勸我  
金叵羅人生此會能幾何六龍下食氣象好入達窺竇  
徉狂多山中高卧足一世眼前且喜無干戈嗚呼詩能  
吾窮病吾棄此生差免鬼神忌溝壑未必皆夷齊史冊  
何須見螭志一尊奉母樂事長孺人稚子相扶將年年  
今日草堂雪梅花賭飲三千場

除夕讀書用東坡除夜病中贈段屯田詩韵寄中

表陳珊士庶常

南人易爲衰百年罕得半我今已三十撫坐每長歎今  
日又歲除豈復供惻玩風雪積破屋層陰慘不散入夜  
緼火微束書淡相伴一綫持殘更妄冀竟不旦自念景  
光誤空名耗短案此身迫飢寒讀書輒紛亂有時或憤  
發匝旬忘梳盥老大一無成所得僅迂緩君年與我齊  
起家列朝貫焯掌勵孤貧立志戒貪懦匪惟追雲龍兼  
欲化欠炭團欒宮燭光錦衣照高館頗亦憶僵卧粃盆  
待分煖及今各努力白首覲一粲